

TEZAU LITURGIC
25 NOIEMBRIE

ACATISTUL
SF. MARI
MUCENIȚE
ECATERINA
II



MOSCOVA, 2000



Акаѳистъ святѣй великомученицѣ Екатери́нѣ

Кондакъ 1

Избранную отъ рода царскаго и вѣнчанную на небеси дѣву мученицу, невѣсту Христо́ву Екатери́ну, похва́льными пѣсньми воспоймъ, яко пресла́вную мучи́теля побѣди́тельницу, и премудрую филосо́фовъ наста́вницу и мно́гихъ ко Христу́ путево́дительницу. Ты́ же, великомученице Екатери́но, иму́щи дерзнове́нне ко Го́споду, приклони́ся ми́лостивнѣ къ благопотре́бнымъ проше́нїямъ зову́щихъ ти́:

Ра́дуйся, Екатери́но, невѣсто Христо́ва премудрая.

Икосъ 1

Ангельской ра́вную чистоту́ соблю́дши, святая́ дѣво Екатери́но, къ ли́комъ а́нгельскимъ востекла́ еси́ и со а́нгелы Божѣ́ственнаго озаре́нїя сподо́билася еси́, съ ни́ми же воспѣ́вая Трой́ческую пѣснь на небеси́, услы́ши насъ, пою́щихъ тебѣ́ на земли́ сїя́:

Ра́дуйся, отъ младе́нства обре́нная избра́нїемъ Бо́га Отца́ въ сосу́дь благода́ти;

ра́дуйся, дивнымъ смотре́ниемъ Бо́жимъ вели́чю и сла́ву Христа́, Сы́на Бо́жия, разумѣ́ти наста́вленная.

Ра́дуйся, чуде́сное зна́меніе явившагося на тебѣ́ Бо́жия про́мысла; ра́дуйся, я́ко по зва́вшему́ тя Свято́му Ду́ху, и сама́ усердно во святы́ню текла́ еси́.

Ра́дуйся, свѣ́томъ благочестивы́я вѣ́ры просвѣ́тившаяся; ра́дуйся, свято́ю купе́лію отрожде́нная.

Ра́дуйся, честное́ Ду́ха святы́ни жили́ще; ра́дуйся, страда́ній Христо́выхъ исполне́ние.

Ра́дуйся, измы́вшая ризы́ своя́ въ Кро́ви Агнчей на земли́; ра́дуйся, лику́ющая со святы́ми дѣ́вами на небеси́.

Ра́дуйся, звѣ́здо пресвѣ́тлая, на небе́хъ церковнѣ́мъ сла́вою чуде́сь блиста́ющая; ра́дуйся, и во блаже́ннѣмъ Ца́рствіи Христо́вѣмъ, я́ко голу́бца, кро́тостію сія́ющая.

Ра́дуйся, Екате́рино, невѣ́сто Христо́ва премудра́я.

Конда́къ 2

Ви́дящи блаже́нная Екате́рина себѣ́ видѣ́нія сподо́бшуюся, тече́ ко свято́му ста́рцу, ико́ну Богома́тере пре́жде того́ ей́ вручи́вшему, и повѣ́да ему́, како скрыва́ше лице́ Своё́ отъ нея́

явѣвъся, съ Пречистою Своєю Матерію Христось, како безумну, и нищу, и худородну ю нарекъ, дондеже не оставитъ идольскаго нечестія. Преподобный же, слышавъ сія, настаѣи ю въ таинствахъ вѣры и кресті ю, она же во обновленіи дѣха благодарно пояше Богу: Аллилуія.

Икосъ 2

Разумъ благій, благородство истинное, богатство негиблющее стяжавши, въ духовнѣмъ отрощденіи, святая Екатерина достойна явилася небеснаго Жениха Христа, Иже паки явился ей, возлюбил ю и дарованнымъ перстнемъ въ невѣсту Себѣ обручил. Она же, познавши такое благоволеніе Божіе, тако уязвилася любовію Его, яко не мудрствовавше болѣе о земныхъ вещехъ, но о Возлюбленнѣмъ своемъ помышляше непрестанно. Таковыя благодати сподобльшаяся, услыши отъ насъ сія:

Радуйся, яко въ естественнѣй ти дарованнѣй премудрости, паче естественныхъ даровъ духовныхъ отъ Бога взыскала еси; радуйся, яко мудрость мірскую, славу и богатство обуила еси.

Радуйся, яко отъ земныхъ жениха себѣ знати не восхотѣла еси; радуйся, въ видѣніи Самимъ Христомъ Господомъ въ невѣсту Ему нетлѣнную обрученая.

Ра́дуйся, я́ко споручни́цу о себѣ́ и ходата́ицу къ Сы́ну Бо́жю и Бо́гу, Самую́ Пречи́стую Богома́терь имѣ́ла еси́; ра́дуйся, я́ко въ за́логъ обруче́нiя Небе́сному Жениху́ твоему́, пречу́дный персте́нь на десну́ю ти́ ру́ку отъ Христа́ и́стинно прiя́ла еси́.

Ра́дуйся, я́ко измѣ́нившись чу́днымъ измѣ́не́и́емъ, отъ ми́рскихъ веще́й вся́ помы́слы отложи́ла еси́; ра́дуйся, я́ко бо́дренно въ во́ню му́ра Христо́ва поте́кла еси́.

Ра́дуйся, до́брая любите́льнице Жениха́ Безсме́ртнаго; ра́дуйся, прiя́телище благоволе́нiя Вы́шняго.

Ра́дуйся, ма́слина, въ до́му́ Бо́жиемъ насажде́нная; ра́дуйся, ке́дръ, въ Лива́нѣ́ высокору́сленный.

Ра́дуйся, Екате́рино, невѣ́сто Христо́ва премудра́я.

Конда́къ 3

Си́ла Вы́шняго даде́ тогда́ святѣ́й Екате́ринѣ́ дерзнове́нiе, е́же нече́стующаго ца́ря Макси́мина о при́несенiи и́доломъ же́ртвъ обли́чити небо́язненно, и то́й пребы́сть безгласе́нь на мно́гъ ча́сь, не мо́гий противи́тися ея́ глаго́ломъ, она́ же благода́ряци Бо́га воспѣ́ваше: Аллилу́я.

Икосъ 3

Имѹщи святая Екатерина свѣше данную себѣ премѹдрость, егда нечестивый царь постави ю предъ собою, исповѣда быти себе дщерь царскую, философскія и риторскія науки добрѣ изучившую, паче же невѣсту Христову себе наименова въ явное отверженіе идольскаго служенія. Поминающе убо таковое дерзновенное исповѣданіе твое, возглашаемъ ти сицевая:

Радуйся, пчело, дыма идольскаго отлетѣвшая; радуйся, голубице, бодренно чистоту дѹха и тѣла твоего блюсти присно тщавшаяся.

Радуйся, яко въ познаніе тайнъ спасенія о Христѣ Господѣ весь умъ твой устремивши, сокровищами духовными обогатилася еси; радуйся, яко о славу Небеснаго Жениха твоего, Христа, зло поревновавши, люди заблѹдшія въ мрежу вѣры Христовой уловити всяко тщалася еси.

Радуйся, яко управляема дланію крѣпкою Христовою, идольскія бѹри избѣгла еси; радуйся, яко направляема Владыки Божественными повелѣніи и Того любовію палима, усердно къ подвигомъ потекла еси.

Радуйся, яко одѣявшись Божественною помощію, безбожному судищу мужественно предстала еси; радуйся, яко крѣпкимъ

дерзнове́ніемъ твои́мъ самаго́ мучи́теля ца́ря
ужа́сила еси́.

Ра́дуйся, тверды́ня вѣ́ры, воздви́гнутая
Христо́мъ на низложе́ніе невѣ́рія; ра́дуйся,
деннице́ пресвѣ́тлая, де́нь спасе́нія во Христа́
чрезъ тебе́ увѣ́ровавшимъ сопривне́сшая.

Ра́дуйся, страсотѣ́рпице, я́ко свѣ́тило, тмы́
міродѣ́ржца побѣ́дила еси́; ра́дуйся, священно́е
забра́ло огра́ды, овецъ Христо́выхъ оберега́ющая
отъ хище́ній во́лка мы́сленнаго.

Ра́дуйся, Екатери́но, невѣ́сто Христо́ва
прему́драя.

Конда́къ 4

Бу́рю я́рости воздви́гнувъ ца́рь на святу́ю
дѣ́ву, рече́ къ не́й: «не глаго́ли мнѣ́ злѣ́ о бозѣ́хъ
на́шихъ». Свята́я же Екатери́на отвѣ́ща: «а́ще
восхо́щещи оттрясти́ мракъ прѣ́лести отъ
душе́вныхъ ти́ очей, уразумѣ́ши боговъ твои́хъ
худо́сть и позна́еши Истиннаго Бо́га, Его́же и́мя
то́чию глаго́лемое, или́ Крѣ́сть изображе́нный на
возду́сь, прогоня́етъ боговъ твои́хъ и погубля́етъ.
Аще повели́ши, явлю́ тебѣ́ и́стину, пою́щи
Бо́гу: Аллилу́ія».

Икосъ 4

Слы́шавъ нечестивы́й ца́рь свободны́й и
му́дрый отвѣ́тъ тво́й о вѣ́рѣ Христо́вѣй, и

убояв́ся, да не б́удеть побѣ́ждёнъ отъ тебе́, пресвѣ́тлая отрокови́це, собра́ отъ предѣ́ловъ держа́вы своея́ мудрецо́въ, число́мъ пятьдеся́тъ, на прене́. Ты́ же, архангеломъ́ Михаило́мъ утвержде́нная и о побѣ́дѣ́ увѣ́ренная, возрадо́валась еси́ и бо́дренно вступи́ла еси́ въ прене́ съ ни́ми. Приими́́ убо́ отъ на́съ похвалу́́ сию́:

Ра́дуйся,́ я́ко отъ архангела́ о побѣ́доно́снѣ́мъ торже́ствѣ́ твоёмъ́ надъ сопро́тивными́ извѣ́щена́ была́ еси́; ра́дуйся,́ я́ко Боже́ственное́ знаніе́ съ небесе́́ иму́щи,́ лжеименна́го́ знанія́ благоде́рзнове́нно и му́жественно́ предста́телей́ посрами́ла еси́.

Ра́дуйся,́ я́ко благода́ть Ду́ха Истины́ очи́щеннымъ́ се́рдцемъ́ прия́ла еси́; ра́дуйся,́ я́ко утверди́вши́ тебе́́ житіе́мъ́ и помы́сломъ́ терпѣ́ливымъ́, врага́́ мы́сленна́го́ льще́нія́ попра́ла еси́.

Ра́дуйся,́ благодви́жный о́ргане́ Ду́ха; ра́дуйся,́ изъявительнице́́ ума́ Христо́ва.

Ра́дуйся,́ херувимское́́ стяжав́шая́ богопозна́ние; ра́дуйся,́ любви́ю́ серафимовъ́́ воспламенё́нная къ́ Бо́гу.

Ра́дуйся,́ му́дрыхъ́ му́дрѣ́йшая; ра́дуйся,́ духо́вный ме́чь на невѣ́ріе́ изостри́вшая.

Ра́дуйся, нечѣстія прогонітельнице; ра́дуйся
вѣрныхъ наставлянице.

Ра́дуйся, Екатери́но, невѣсто Христо́ва
премудрая.

Кондакъ 5

Богосвѣтлѣй звѣздѣ́ была́ еси́ подобна,
Екатери́но, препрѣвши́ пятьдесять витій и
глаго́лы твоими́ му́дрыми наставлявши́ ихъ на
пу́ть христіанскій, веду́щій къ Пра́ведному
Со́лнцу, отъ Дѣ́вы возсія́вшему, Христу́ Бо́гу,
иже и осужде́ни бѣ́вше за Христа́ на сожже́ніе и
напу́тствовани моли́твою твоєю́, съ ра́дostíю
идо́ша во о́гнь, пою́ще: Аллилу́ія.

Икосъ 5

Ви́дѣвъ ца́рь повелѣ́нія своя́ пренебреже́нна и
увѣщанія презрѣ́нна, обрати́ся къ лукавству, е́же
ласка́ніемъ прельсти́ти тя́, блаже́нная
Екатери́но, обеща́я тебѣ́ да́ти до полца́рствія. Ты́
же вѣ́ру сокровищамъ земнымъ́ предпоче́тши и
Жениха́ Христа́ возлюбивши́ па́че земна́го
ца́рства, и оде́жду му́ченичества па́че
багряни́цы, отве́ргла еси́ того́ суесло́вія. Сего́
ра́ди восписуе́мъ ти́ похва́льная сія́:

Ра́дуйся, дѣ́во, ле́сть обличившая; ра́дуйся,
запина́теля змія́ попра́вшая.

Ра́дуйся, я́ко поги́бельное уче́ние невѣрныхъ въ ору́жіе къ ихъ пораже́нію обрати́ла еси́; ра́дуйся, я́ко са́михъ бо́говъ ими́ чти́мыхъ отъ по́чествова́нія обнажи́вши, въ позо́рь извела́ еси́.

Ра́дуйся, я́ко пятидесятичи́сленный совѣ́тъ хва́лящихся бы́ти му́дрыми премудо́ро разори́ла еси́; ра́дуйся, я́ко буйство́ ихъ ми́рскія му́дрости предъ всѣ́мъ мно́жествомъ откри́ла еси́.

Ра́дуйся, трубо́ Ду́ха, воспѣ́вшая гласъ и́стиннаго богосло́вія; ра́дуйся, до́брое вѣры́ исповѣ́даніе.

Ра́дуйся, свѣ́та ева́нгельскаго сія́ніе; ра́дуйся, зако́новъ вѣ́чныхъ храни́тельнице.

Ра́дуйся, на го́ру боговидѣ́нія восте́кшая; ра́дуйся я́ко тобо́ю свѣ́тъ Христо́въ состязате́лей твои́хъ вѣро́ю просвѣ́тивъ, во спасе́ніе прия́лъ е́сть.

Ра́дуйся, Екате́рино, невѣ́сто Христо́ва премудра́я.

Конда́къ 6

Проповѣ́дникомъ и богоно́снымъ апо́столомъ поревнова́вши, дерзнове́нно предъ лицѣ́мъ мучи́теля проповѣ́дала еси́ Христа́, И́стиннаго Бо́га, Емуже́ въ ра́нахъ и темни́цъ пѣла еси́: Аллилу́ія.

Икосъ 6

Возсія́вый въ се́рдцы твоёмъ просвѣще́ніе
и́стиннаго благо́разумія, отгна́лъ е́сть мра́къ
скорбе́й, и не оста́ви тя алка́ти, голу́бицею пи́щу
ти́ посыла́я, ниже́ стужа́ти о болѣ́зни: посѣ́ти бо
Са́мъ тя въ темни́цѣ, ободря́я и мно́ги вѣнцы́
обѣща́вая. Ты́ же, терпе́ливодоу́шная, симъ па́че
укрѣпи́лася еси́ и ца́рицу Авгу́сту и воево́ду
Порфи́рія съ во́ины, прите́кшихъ къ тебѣ́,
обрати́ла еси́ къ свѣ́ту вѣ́ры Христо́вой и
научи́ла пѣ́ти тебѣ́ сія́:

Ра́дуйся, му́рополо́жнице Боже́ственныя
любе́; ра́дуйся, яко́ Христа́ подража́юще, во́лею
вошла́ еси́ къ страда́нію.

Ра́дуйся, адама́нте крѣ́пкій; ра́дуйся,
всечестно́е ору́діе чудесъ неизрече́нныхъ.

Ра́дуйся, врага́ терпе́ніемъ убив́шая; ра́дуйся,
язвы́ Го́спода на тѣ́лѣ твоёмъ носив́шая.

Ра́дуйся, ца́рицѣ Авгу́стѣ съ прише́дшими съ
нею́ му́ченическому по́двигу путе́наста́внице;
ра́дуйся, яко́ во тмѣ́ свѣ́тъ была́ еси́.

Ра́дуйся, яко́ Са́мъ Го́сподь, Свѣ́тъ мі́ра, тебѣ́
въ темни́цѣ бы́вшей, Себе́ яви́лъ е́сть; ра́дуйся,
у́зъ грѣ́ховныхъ ско́рая рѣ́шительнице.

Ра́дуйся, болѣ́знующихъ ско́рая цѣ́лѣбнице;
ра́дуйся, пособ́нице на́шего спасе́нія.

Ра́дуйся, Ека́тери́но, невѣ́сто Христо́ва
прему́драя.

Конда́къ 7

Хотя́щу безбо́жному царю́ приве́сти́ тя къ
богоме́рзкому́ идо́лослуже́нию, па́ки сѣ́ти
подсти́лаетъ тебѣ́, премудра́я, е́же улови́ти тя
ле́стно похва́лою краси́ты твоея́. Ты́ же краси́ту
вѣ́щь привре́менну и ско́ро прехо́дну именовала́
еси́, Христа́ же исповѣ́дала еси́ Бо́га жи́ва и
и́стинна, и пѣ́ла Ему́: Аллилу́я.

Ико́сь 7

Но́вую ца́рь показа́ я́рость и безчеловѣ́чїе, егда́
повелѣ́ епа́рху колѣ́сами растерза́ти дѣ́вственное,
чи́стое свято́е тѣ́ло твое́, но чуде́сною руко́ю
а́нгела а́бїе разрѣ́шена была́ еси́ безвредно,
колѣ́са же внеза́пу сокруши́шася, ими́же мно́ги
отъ невѣ́рныхъ уби́ени бы́ша. Е́же ви́дя ца́рь
у́жасомъ смяте́ся, предстоя́щее же мно́жество
наро́да взыва́ше: «вели́къ Госпо́дь хри́стианскїй!»
Мы́ же, чуде́щаяся сему́, взыва́емъ тебѣ́:

Ра́дуйся, я́ко житію́ невеще́ственному
навы́кши, тѣ́лесную краси́ту му́жественно
увяди́ла еси́; ра́дуйся, я́ко на тѣ́лѣ твоёмъ
цвѣ́тоноси́ла еси́ Бо́жію свѣ́тлость.

Ра́дуйся, я́ко непоро́чное тѣ́ло твое́,
многору́знымъ тяжкимъ му́камъ, любве́ ради

Создателя твоего, вдала еси; радуйся, яко въ крѣпости тояжде любви, страхомъ и лютостію муки не низложившия побѣдоносна явилася еси.

Радуйся, яко преимущества ради душевныя красоты, лютыя бичеванія на тѣлѣ твоѣмъ богомудреннѣ пріяти предпочла еси; радуйся, яко язвами за Христа въ порфиру истинно царскую украшена быти возжелѣла еси.

Радуйся, яко ухищренныя глаголы и искушеніе мучителя преодолѣла еси; радуйся, яко надежды лютаго ослабити крѣпость твоея мысли пресѣкла еси.

Радуйся, мученице, ангеломъ честное и дивное зрѣлище; радуйся, славо полковъ страдальческихъ.

Радуйся, свѣтлая враговъ побѣдо; радуйся, страхъ невѣрныхъ.

Радуйся, Екатерино, невѣсто Христова премудрая.

Кондакъ 8

Странное славы измѣненіе и за Христа страданіе царицы и воеводы съ воины видѣвше, устранимся любви міра и плоти, и вперимъ себе къ разумнію Бога. Сей бо естъ красота, и слава, и вѣнецъ намъ, поющимъ: Аллилуія.

Икосъ 8

Весь сладость и желание тебѣ, святая
Екатерино, бысть Исусъ: сладць бо Его ради
горькія муки терпѣла еси, и скипетръ,
предлагаемый тебѣ, попрала еси, предзря
будущее воздаяніе. Тѣмже прими отъ насъ
похвальная сія:

Радуйся, яко твоими богомудрыми учени,
царица вѣрующи ко благочестію притече;
радуйся, яко таяжде, претерпѣвши болѣзненное
отторженіе ея сосцевъ и мечное усѣченіе,
Царствія небеснаго непреемнаго явственно
тобою сподобися.

Радуйся, пресвѣтлая луно, ходящихъ въ ноци
невѣрія мглу отгнавшая; радуйся,
добродѣтельницами, яко лучами солнечными,
просвѣтившая идолослуженіемъ омраченыхъ
полки.

Радуйся, горлице, краснаго Жениха въ
пустыни дольнаго міра воспѣвавшая; радуйся,
Владыку горнихъ силъ сладкою пѣсню
исповѣданія твоего обвеселившая.

Радуйся, воню ризъ Христовыхъ
благоухавшая; радуйся, яко серна на горахъ
ароматскихъ искавшая Рожденнаго прежде
холмовъ вѣчныхъ.

Ра́дуйся, я́ко ми́рско́го трево́лне́нiя мо́ре ле́гко и бы́стро преплы́ла еси́; ра́дуйся, я́ко къ ти́хому пристани́щу присноблаже́нныя жи́зни приста́ла еси́.

Ра́дуйся, я́ко много́разли́чное Христу́ бога́тство спасе́ниемъ твои́хъ бли́жнихъ предпосла́ла еси́; ра́дуйся, я́ко по́дви́гъ страда́льческiй, ра́ди любве́ Христо́вы, подъя́ла еси́.

Ра́дуйся, Ека́тери́но, невѣ́сто Христо́ва премудра́я.

Конда́къ 9

Все́ естество́ а́нгельское возра́довася ра́достью, зря́ тя, пресла́вная Ека́тери́но, побѣ́дившую ми́родержца те́мнаго, и срѣ́тъ тя, къ преми́рнымъ, я́ко побѣдоно́сную воево́ду, въ послѣ́довани́и полка́ страда́льческаго шѣ́ствующу, воспѣ́ побѣ́дная, взыва́я Бо́гу: Аллилу́я.

Ико́сь 9

Витiй многовѣ́щанныхъ уста́ загради́шася: не возмо́гши бо противовѣ́щати богодухнове́ннымъ словесе́мъ твои́мъ, молча́ниемъ почто́ша дарова́нiя твоя́. Мы́ же, а́ще и немощни́и, оба́че дерзае́мъ отве́рзти уста́ на́ша на хвалы́ твоя́, принося́ тебѣ́ пѣ́снь сiю́:

Ра́дуйся, благозвучный о́ргане Ду́ха Свята́го; ра́дуйся, умъ Христо́въ стяжавша́я.

Ра́дуйся, заре́ неизрече́ннаго сія́нія; ра́дуйся, догма́товъ Божество́нныхъ изъясне́ніе.

Ра́дуйся, Алекса́ндріи гра́да красото́ и утвержде́ніе; ра́дуйся, горы́ Сина́йскія лѣ́пото и похва́леніе.

Ра́дуйся, ре́вности Илі́ной подража́вшая; ра́дуйся, купину́ неспа́раемую душі́ и тѣ́ла чистото́ю проявившая.

Ра́дуйся, чи́стая, чи́стѣ Чіста́го возлюбі́вшая; ра́дуйся, пресла́вная, плени́цы врага́ те́мнаго разрѣ́шающая.

Ра́дуйся, сія́ющая добро́тою дѣ́вства и благоуха́ющая му́ченичества́ благода́тьми; ра́дуйся, му́чениковъ хвало́ и благоче́стія учительнице́.

Ра́дуйся, Ека́теріно, невѣ́сто Христо́ва премудра́я.

Конда́къ 10

Хотя́ спасти́ ду́шу твою́, о тѣ́лѣ твоёмъ неради́ла еси́, Ека́теріно, и на ме́чное усѣ́ченіе, мучите́лю да́вшу на то́ изрече́ніе, ра́достно текла́ еси́, пою́щи безсме́ртному Жениху́ твоёму́ Христу́ Бо́гу: Аллилу́ія.

Ико́сь 10

Стѣ́на тверда́ и непреодоли́ма яви́лася еси́ жена́мъ тебе́, невѣ́сто Христо́ва,

провождáющимъ и съ рыдáниемъ ты жестокосерду къ себѣ и безразсудну быти именующимъ, яко не пощадила еси сладкаго живота во цвѣтѣ юности, яко презрѣла еси земное предлагаемое царство и блаженство. Ты же воспретила еси бесполезный плачь ихъ и суесловие, текущи скорѣе соединитися чрезъ смерть съ твоимъ Возлюбленнымъ. Того ради слышиши взывающихъ ти сиевая:

Радуйся, радостно за Главу Церкви, Христа, подь мечъ главу свою преклоньшая; радуйся, до конца терпѣниемъ теченіе подвига скончавшая добрѣ.

Радуйся, ни скорбію, ни ранами, ни мечемъ съ пути Христова исповѣданія не отвратившаяся; радуйся, яко пламень любви въ источникахъ крови негасимъ соблюдшая.

Радуйся, отроковице добродѣво, яко страстьми священнѣйшими тебе самую благолѣпно украсила еси; радуйся, яко достойно къ небесному Христову чертогу зошла еси.

Радуйся, всесвѣтлая отроковице, яко возлюбивши единого Желáемаго, во слѣдъ Того крѣпчайшее теченіе совершила еси; радуйся, яко кровію твоєю къ Жениху твоему, Христу, ясно вопіяла: «въ воню мѣра Твоего умнаго истощеннаго теку, Женише мой!»

Ра́дуйся, я́ко преста́вилася еси́ къ́ черто́гамъ свѣтовиднымъ, невѣстными укра́шена у́тварьми, дѣвственную иму́щи свѣщѹ въ́ твоёй десни́цѣ, въ́ шу́йцѣ́ же держа́щи усъ́ченную твою́ главу́; ра́дуйся, я́ко прі́ята бы́сть Бо́гу твоя́ богому́драя моли́тва: вѣ́рою бо́ твоё имену́ющая и́мя спаса́етъ Влады́ка отъ́ искуше́ній и благоздравіе́ пода́етъ, неду́говъ изба́вляя душе́вныхъ же и тѣ́лесныхъ.

Ра́дуйся, му́чениковъ красото́; ра́дуйся, крѣ́пкое христі́анъ при́бѣжище.

Ра́дуйся, Ека́тери́но, невѣ́сто Христо́ва премудра́я.

Конда́къ 11

Пѣ́ніе похва́льное дерзну́хомъ принести́ тебѣ́, а́ще и оскудѣ́ваетъ сло́во на́ше, недоумѣ́ваетъ у́мъ, ка́ко глаго́лати. Но сло́во твоё́ премудро́е, мно́гихъ исхи́тившее отъ́ невѣ́жества и отъ́ идолонечесті́я, возста́вляетъ на́съ, во́ еже пѣ́ти уди́вившему на тебѣ́ вели́чія Сво́я Бо́гу: Аллилу́ія.

Икосъ 11

Свѣ́топріе́мную тя́ свѣщѹ́, ме́чнымъ усъ́ченіемъ погаше́нную, на свѣ́щницѣ́ же небеснѣ́мъ, предъ́ престо́ломъ Святы́я Трои́цы возблиста́вшую, ви́дѣвше́ святі́и а́нгели, поклони́шася Жи́вущему во́ вѣ́ки и, получи́вше отъ́ Влады́ки повелѣ́ніе,

дѣвственное твоё тѣло на горѣ Синайстѣй погребѣша, да невидимо будетъ, якоже сама хотѣла еси, врагомъ Господнимъ. Мы же радостную пѣснь сию возсылаемъ ти:

Радуйся, солнцеобразная дѣво, на небеса дѣхомъ возшедшая; радуйся, Сіона горняго достигшая.

Радуйся, вѣнче доброты въ руцѣ Господни; радуйся, чаше, отъ обилія дому Божія черплющая радость.

Радуйся, къ скинии нерукотвореннѣй, вѣчнѣй, дѣхомъ приближившаяся; радуйся, яко нетлѣннымъ ти тѣломъ почиваеши на горѣ законнѣй, идѣже видѣна быша шествія Бога Синаина.

Радуйся, дѣво, державствующей Дѣвѣ Царицѣ, въ ризы позлащенны одѣяннѣй, преиспещреннѣй вслѣдствующая; радуйся, яко тобою достойно воспѣвается Матерь Живота, посреде дѣвѣ тимпанницѣ.

Радуйся, яко на тебѣ сіяетъ велелѣпота Христа Бога; радуйся, престола вѣчнаго предстоятельнице.

Радуйся, отъ храма вселенныя молитвенникъ къ тебѣ назирающая; радуйся, кадило молитвъ Вышнему о насъ благопріятное.

Ра́дуйся, Ека́тери́но, невѣ́сто Христо́ва
прему́драя.

Конда́къ 12

Благода́ть дана́ тебѣ́ отъ Бо́га, е́же
руководствовати къ познанию́ истины́ Его́, въ
та́инѣ сокрове́нныя, и дая́ти всѣ́мъ, я́же къ
по́льзѣ, проше́нїя. Тѣ́мже мы́ умиле́нно про́симъ
тя́, му́драя дѣ́во, осія́й умны́я на́ши о́чи и
положи́ намъ къ небеси́ стезю́ проходну́, да
пое́мъ съ тобою́ ны́нѣ и во вся́ вѣ́ки Еди́ному
прему́дрости Виновно́му: Аллилу́я.

Ико́сь 12

Пою́ще твоя́ крѣ́пкія му́ченическія по́двиги,
хва́лимъ тя́, я́ко одушевле́нный сосу́дь спасе́нїя
челове́ковъ: твои́мъ бо ра́зумомъ Бо́гъ,
прему́дрость прему́дрыхъ вѣ́ка сего́ погуби́въ,
му́дрыя виті́и призва́ въ язы́къ свя́тъ, въ лю́ди
обнове́нїя, я́ко тѣ́мъ страда́ти за Христа́. Тѣ́мже
вле́цы и на́съ помраче́нныхъ, блага́я дѣ́во, ко
Свѣ́ту Христу́, да зове́мъ ти́:

Ра́дуйся, зерца́ло Бо́жія прему́дрости; ра́дуйся,
си́лою Вы́шняго одѣ́янная.

Ра́дуйся, подви́жнице, е́леемъ ра́дованїя
ума́щенная; ра́дуйся, воево́до, по́лкъ Бо́жій къ
вѣ́чному вели́честву предпосла́вшая.

Ра́дуйся, во свѣ́тлости свѣ́тыхъ вше́дшая;
ра́дуйся, во свѣ́тъ непристу́пнѣмъ Живу́щему, въ
ли́къ пла́менныхъ слугъ предста́вшая.

Ра́дуйся, гро́мъ трисвята́го пѣ́нїя гласомъ
твоимъ умножа́ющая; ра́дуйся, неизрече́нную
сла́дость отъ добро́тъ райскихъ вкуша́ющая.

Ра́дуйся, я́ко хвала́ и ра́дование надъ главо́ю
твоёю; ра́дуйся, я́ко вѣ́чная сла́ва тебе́
облистава́етъ.

Ра́дуйся, отъ Три́постаснаго Божества́
вѣ́нцемъ небеснаго Ца́рствїя увѣ́чанная;
ра́дуйся, благода́ти и безконече́ныя сла́вы намъ
ходатаице.

Ра́дуйся, Екатери́но, невѣ́сто Христо́ва
премудрая.

Конда́къ 13

О, свѣ́тая великомученице Екатери́но!
Похва́льное пѣ́нїе сіе́ прие́мши, не преста́й о насъ
моли́тися ко Го́споду, да изба́витъ насъ отъ
вра́гъ ви́димыхъ и неви́димыхъ, и вѣ́чнаго
Ца́рствїя твоимъ благоприя́тнымъ ходата́йствомъ
сподо́битъ насъ, да съ тобо́ю пое́мъ
Бо́гу: Аллилу́їя.

[Се́й конда́къ глаго́лется три́жды. Та́же и́косъ 1-
й: Ангельской ра́вную чистоту́ соблю́дши... И
конда́къ 1-й: Избра́нную отъ ро́да ца́рскаго...]

Моли́тва

О, свѣта́я Ека́тери́но, дѣ́во и му́ченице, и́стинная Христо́ва невѣ́сто! Мо́лимъ тя́ чрезъ особли́вую благода́ть, е́юже предвари́ тя́ Жени́хъ тво́й, Сладча́йшій Иису́съ, да я́коже посра́мивши прѣлести мучи́теля му́дростию тво́ею, пятьдеся́тъ виті́й побѣ́дила еси́ и, напои́вши ихъ небѣ́снымъ уче́ніемъ, къ свѣ́ту и́стинныя вѣ́ры наста́вила еси́, та́ко испроси́ и на́мъ о́ную Бо́жію му́дрость, да и мы́, расто́ргнувъ вся́ ко́зни а́дскаго мучи́теля и презрѣ́въ ми́ра и плóти собла́зны, досто́йны явима́ся Боже́ственныя сла́вы и къ разшире́нію свѣ́та на́шея правосла́вныя вѣ́ры сосу́ды досто́йны содѣ́лаемъ, и съ то́бою въ небѣ́снѣй ски́ни Го́спода и Влады́ку на́шего Иису́са Христа́, со Отце́мъ и Святы́мъ Ду́хомъ, восхва́лимъ и просла́вимъ во вся́ вѣ́ки вѣ́ковъ. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО